

柳州府志卷之十八

古蹟

附塚墓

事經千百載後其人已往而流風遺韻不與俱往者好古之士每樂從其所居所遊之地低回嚮往以想見其為人此昌黎所謂曠世相感也柳郡自唐宋以來孤臣放謫騷客題詠芳徽雖邈遺跡猶存試登太白之巖謁羅池之廟過司戶之墟俯仰流連光靈宛在吾知其殘碑斷碣必有物焉以呵護之縱風霜屢易兵燹迭經而後之人憑吊當年

柳州府志

卷之十八

古蹟

附塚墓

一

或追尋於破瓦頽垣中摩娑拂拭慨然以修復為己任決不偕荒煙蔓草同其泯滅者矣志古蹟

馬平縣

附郭

故城隋開皇十一年析桂林置屬象州唐始為柳州在城北雙山間

龍城即今府治通志相傳有八龍見於江中故名潭中縣在府治東南駕鶴山間漢置晉為桂林郡治隋開皇十一年縣廢

新平縣在縣治南唐武德四年析置貞觀十二年

省入馬平即今新興鎮地

常安縣在縣治南沈約太康地志屬桂林郡今為常安堡

將臺在城北舊傳宋狄青征儂志高時所築

鎮粵樓在北門外明嘉靖間總督張岳平馬平猺築柳北郭城建後人即祀襄惠公於其上駱日升有記刻石今圯遺址尚存

待蘇樓在府治後宋州守許申建取杜詩春生南國瘴氣待北風蘇之句自為記

柳州府志

卷之十八

古蹟

附塚墓

二

羅池館在城東羅池旁明景泰三年建

柑子堂在府城西唐柳宗元於城西隅手植黃柑作詩刻石宋陶弼有柑子堂詩詳藝文堂久圯乾隆十九年知府孟端建亭於羅池之上易名曰柑香二十八年右江道王錦重修

雲錦亭在朝京門外宋關庚建

三相亭在駕鶴山麓宋丞相王安中汪應辰吳敏謫官嘗寓此趙師邈有碑記又石刻有小桃源三字

羅池亭在羅池上宋守朱軌建石刻柳宗元像後碑遭毀斷明洪武初遷郡龍江復鑿池建亭新廟之左并倣前像重刻今圯像移在廟中

東亭在城東南唐守柳宗元建并記

思柳亭在城東宋陶弼有詩

秀野亭在北門外明成化間叅將歐磐建

楊文廣洞在江東北俗傳儂智高幽楊文廣於此又府署大堂西偏盔甲庫舊貯康熙十九年吳逆没官等物俱朽爛尚存炮位百餘中有一洞圍二

柳州府志

卷之十八

古蹟

附塚墓

三

丈許離門約五尺深不見底臨之則冷風襲人提督潭行義與太守吳秉正曾命役取雄鷄一隻以長繩繫足投進頃刻不見遂封錮如初土人言此洞與隔江之洞相通

羅池廟碑按集古錄稱沈傳師書長慶元年建榻本未見明正德十三年郡人計宗道重書刻於廟中

□碑在柳侯祠內唐韓昌黎詩宋蘇子瞻大書刻石遺柳民歌以祀侯者俗稱韓詩蘇字柳侯碑是

也原刻久失據今跋語乃長沙帥安公藏本以授  
柳州推官重刻者亦因兵燹中毀棄後築外城軍  
士拾得碑一角以砌城城輒崩因取還與原碑合  
柳侯手書龍城柳一碑橫尺餘高六寸亦在祠內  
乾明寺碑唐柳子厚來刺是邦建寺立碑今廢  
柳侯遺碑在夫子廟蓋子厚親筆久仆無聞宋淳  
熙己酉太守趙彥禮復得斷碑於學宮草莽間遂  
龕於郡治之明秀堂

古栢在柳侯祠前東西二樹搖其一則彼樹亦動

柳州府志

卷之十八

古蹟

附塚墓

四

仙人跡在天馬山麓其石枰天成黑肌而赤脈十  
有八道可奕旁有巨人跡

大葉榕在水南上寨葉生則暖葉落則寒唐柳子  
厚有榕葉滿庭鶯亂啼之句明末為兵所伐

石壁紀功在振柳營外上鐫平蠻功績

錦秋亭唐柳子厚建在府署內久廢明太守譚元  
方重建亭旁蒔花草擅一署之勝以錦秋二字為  
號後再圯

本朝乾隆九年其元孫襄世來守是邦謀復之鳩工

未就而去十三年知府成貴重建  
趙家井在水南中寨春時江水漲發濁不可飲汲  
而食之味稍清冽

關公城在社灣村對江四圍皆山中有平地可容  
人居

城內有井三一在華榮寺前今湮一在西門大街  
藥王廟前一在北門大街

按舊志八景一曰南潭魚躍二曰天馬騰空三  
曰筆峯聳翠四曰鷺山飛瀑五曰羅池夜月六

柳州府志

卷之十八

古蹟

附塚墓

五

曰東臺返照七曰駕鶴晴嵐八曰龍壁迴瀾頗  
擅龍城之勝詳見山川

雒容縣

故城在縣治東北洛清鄉白龍巖明天順中徙於  
朱崗正德時為猺獞所據嘉靖三年復萬歷四年  
以其地為平樂鎮今設巡司署

象縣在縣治南陳置象郡隋開皇九年改置縣宋  
嘉祐六年廢入洛容

石鐘在縣西白象巖石洞玲瓏中有一鐘擊之鏗

然

柳城縣

故城在龍江南岸梁置宋咸淳元年移府城於龍江因移縣於江北元至大間仍各遷還而江北之城廢明洪武元年遷治龍江東而江南之城亦廢置南嶺衛尋廢設南盪堡今土城尚在  
柳嶺縣在縣治西唐武德四年置貞觀七年省入龍城

南湯城在縣對河遺址尚存

柳州府志

卷之十八

古蹟

附塚墓

六

千蔓城明設叅將鎮守後廢接馬平縣界

馬跑井在西鄉下好里漢伏波將軍征蠻過此渴無水飲馬以蹄跑地泉即湧出因名

潭中亭在縣南關外

泥橋在城東六十里大河堤邊長可丈餘廣四尺厚二尺鄉人恐水漲衝塌以巨石填其上水至石盡漂去而橋如故傍有虞帝祠

落米灘在田村塘離城二十五里石壁一穴如鷄子大日落米一升足供一僧其僧貪而不饜引匠

鑿潤其穴米遂絕

石狗在西鄉落崖墟其形如狗相傳昔有人酒後夜臥石上狗負之而行至慶遠府竊食倉米遣人執之訊其來歷遂同詣石狗所先有遺米委地使匠鑿去其嘴不復為怪今斷石尚存

羅城縣

故城在縣治北宋崇寧元年置羅城堡屬融州二年廢明初始置縣在西羅鄉

武陽縣在縣治西北平西里巴台村隋開皇十一

柳州府志

卷之十八

古蹟

附塚墓

七

年析置臨牂縣唐初廢龍朔二年重置改名武陽宋熙寧七年省為鎮入融水即今武陽鎮

黃水縣在縣治西北唐武德四年本隋黃水郡地析置屬融州天寶初併入武陽

安修縣在縣治西北唐武德初置屬融州貞觀十三年省入臨牂

樂善縣在縣治北唐融縣管羈縻州宋崇寧二年置樂善砦即此今縣安祥樂善二里分立四堡龍岸州土人相傳高懸里古設州治轄一縣曰金

鷄今土城基址尚存建置沿革俱無考

仙人跡在縣南十里許西江下流有九曲三潭深不可測江流湍急邑人修橋三拱鑿石為龍形明洪武十八年建旁舊有開元寺相傳寺有鐘神異夜與江水石龍鬪淪沒江中寺僧覓鐘無跡每夜聞鐘鳴江中倩衆百人莫能拔後亢旱水淺土人敲石龍尾去鐘亦不鳴石上有仙人足跡

按舊志八景僅載其一今為補入一曰丹鳳啣書二曰黃坭瀑布三曰北嶺覆鐘四曰西江印

柳州府志

卷之十八

古蹟

附塚墓

八

月五曰南嶺煙雨六曰中寨鴛鴦七曰龍潭晚照八曰樂登仙境其詳已見山川故不復贅云

融縣

融水縣在縣治西唐武德六年置屬融州明洪武二年廢入州十年五月降為縣今城隍廟即其故址

東寧州城在縣治江東梁大同中本蕭齊熙縣置隋大業初廢

將臺在城西門外宋清遠軍節度使岳飛建今舊



基址尚存

風雩臺在靈巖絕頂

祖師臺在獨秀山

會一閣在真仙巖傍宋僧知性建寶慶二年融州  
叅軍唐麟記有詩久圯

望仙閣在城內前揖仙巖故名

真仙亭在真仙巖宋守鮑粹然建易祓有賦康熙  
三十七年知縣梁廷桂重建額曰景淞亭

御書碑在真仙巖內凡四面各高三尺橫六尺一

柳州府志

卷之十八

古蹟

附塚墓

九

刻西江二字一刻頤堂二字一刻瑞雲二字一刻  
精忠二字每篆御璽一小圖書一蓋宋太宗真跡  
也

元祐黨籍碑在真仙巖內

貢士碑在真仙巖內宋守劉繼祖立唐麟有記

硃書壽山二字在壽山上為吳寶驢仙跡風雨不

蝕

和光應化二洞在真仙巖內應化夏日如冰和光  
冬日最煖見洞景碑

先師聖像碑在真仙巖內宋淳熙間判融州軍毛  
恕臨刻有跋

文昌小像碑在真仙巖內宋咸淳間諸葛應傑刊  
并記

老君像碑宋諸葛應傑題記

北斗七元君碑在真仙巖內吳道子筆

勸農碑在香山之麓宋守李興時出郊勸農邑宰  
張錡立碣

平猿碑在真仙巖內

柳州府志 卷之十八 古蹟 附塚墓 十

平蠻石刻唐久視元年立

畫鵲行磨崖宋韓琦手書在靈巖石壁字可五寸  
許

卦辭磨崖宋司馬光手書家人卦彖爻全辭在靈  
巖峭壁高不可攀

鎮蠻書在背江戡潭兩岸懸崖壁立橫江砥石平  
鋪自東岸石上刻字一行直透江心轉達西岸字  
如斗大非篆非隸漫不可識世傳諸葛武侯製以  
鎮蠻者

清静經碑在真仙巖內明萬歷間國子監學正蔣行可書

融民歸附碑在真仙巖內明洪武四年勒石

仙關在真仙巖今圯

鴻音樓在真仙巖今圯

按舊志八景元人有水月洞天獨秀青山香山

疊翠玉華仙洞融江暮雨西樓夜月南院薔薇

安靈龍潭諸詩

國朝劉昭漢易以銅鼓鳴巖靈壽丹溪潯陽古渡

柳州府志

卷之十八

古蹟

附塚墓

十一

古鼎龍潭四景名目餘仍其舊至胡啟龍所載又有曲水澄潭劉公德巖雲際碧潭清風古臺小村竹圃博塘漁舟諸景彼此互異細加考核其實劉之所謂靈壽丹溪即元人之水月洞天也劉之所謂古鼎龍潭即元人之安靈龍潭也胡之所謂博塘漁舟即劉之潯陽古渡也胡之所謂雲際碧潭即劉之古鼎龍潭也或一景而兩易其名毋乃好事者為之歟真仙洞內亦有八景一曰天柱石星二曰龍泉珠月三曰鶴巖

旭日四曰牛渚暝煙五曰寒淙飛玉六曰碧澗  
流虹七曰羣峯來秀八曰萬象朝真其石刻有  
宋杜應然摹古碑洞圖又增勒新景至元明入  
真蹟尤多不可勝載今仍邑志第紀其崖畧云  
懷遠縣

故城在縣治北相傳即宋初所置懷安軍治後廢  
為玉口砦崇寧四年知桂州王祖道誘致諸峯納  
土開邑於砦建懷遠軍尋改為平州兼知懷遠縣  
政和元年州縣俱廢紹興十四年復置縣明洪武

柳州府志

卷之十八

古蹟

附塚墓

十二

十年廢置三江鎮巡檢司十三年復置縣萬歷十  
九年治移丹陽鎮

允州在縣治西北安口砦宋崇寧中置允州及安  
口縣又於中古州置格州及樂古縣尋改從州政  
和元年廢州為樂古砦屬允州尋又廢允州入平  
州

諸葛營在大融江亮寨下相傳七擒孟獲時所築  
今臺基尚在濠塹依然

九曲山在下石門西相傳有仙人對奕於此石上

有詩云九曲山頭仙女池眼前光景少人知有人  
會得此中意同與仙人下象棋

太白巖在下石門相傳太白謫夜郎時登眺放咏  
築室其上

按舊志載有文星西指天馬東來石門夜月軍  
聽澄潭太白遺巖諸葛舊壘一圍玉帶九曲仙  
棋八景詳見山川

象州

陽壽縣即州治本漢中溜縣地隋開皇十一年析

柳州府志

卷之十八

古蹟

附塚墓

十三

桂林縣置唐於縣置象州明洪武二年省入州  
長風故城在州治東九域志象州有古長風城見  
來賓

武德縣在州治西北唐置仍於縣重置象州天寶  
元年省入陽壽

西寧縣在州治南隋大業初併入桂林唐武德中  
復析置屬象州貞觀十二年省入武德

象臺在州南三十里舊志云平地崛起巋然若臺  
四望平遠久圯

拱辰樓在州城北門上  
瑤光樓在州西門上俯溪山面長江晴嵐煙靄景物殊勝後更名西峯  
瑞蓮亭在惠澤街方池中久圯  
寒光亭在扶踈堂側宋孫覲有詩久圯  
謝家園在州南門外宋進士謝氏兄弟所營內建扶踈堂竹木深邃王安中南遷嘗寓此  
韋厥碑在智城洞蓋厥所隱處也碑乃刺史韋敬辦立

柳州府志

卷之十八

古蹟

附塚墓

十四

一覽亭在州治東南隅離城二里久圯

超然亭在隔江二里許西山寺旁遺址尚存

敬一亭在學宮東明萬歷十三年知州李維岳建今圯

休休亭在東崗嶺下明總兵孟宗文建遺址尚存  
退思軒在西山寺超然亭之右明春璉建為訓子肄業之所今圯

象江亭在城西門外乾隆六年署知州張坊建

按舊志載有天蓋晴嵐玉屏晚翠象嶺春雲牛

鐵坑廂

明按察司副使李允簡墓在高錫村諭賜祭塋  
京觀在西城外一里明萬歷間懷遠猺蠻入寇擒  
斬三千三百四十餘人築此倣蠻  
義塚在西門外有碑記

象州

明監察御史呂景蒙墓在州城南

明總兵孟宗文并母妻之墓俱在鳳凰山

柳州府志

卷之十八

古蹟

附塚墓

十七

柳州府志卷之十八終